



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 6. Archiepiscopi Cyprii consilia de occupando Regno

[urn:nbn:de:hbz:466:1-66459](https://nbn-resolving.org/urn:nbn:de:hbz:466:1-66459)

Sæcul. XV.
A.C. 1473.
das pulsat aures, Mocenigo eidem in-
sponsis dante, Cypri regnum jure belli
Catharinæ Jacobi viduæ & proli, quam
eniteretur, vindicatum fuisse, proin a
Venetis alium hæredem præter eos a-
gnosci non posse. Quare Carlotta omni
spe dejecta, juri suo insistere destitit.
Ceterum paulo post Catharina filium
peperit, qui nomen Patris sui adeptus,
altero ætatis suæ mense coronatus est.

§. VI.

*Archiepiscopi Cyprii consilia de occu-
pando Regno.*

Verum adversus Catharinam hostis
longe magis potens, quam Carolina
erat, insurgebat; Archiepiscopus enim
Cypri, natione Catalanus, tum Oratoris
munere apud Ferdinandum Neapolis
Regem functus, vix comperta Jacobi mor-
te, ad occupandam Cypri Insulam se-
rio animum adjiciebat, ope fretus Cata-
lanorum, qui multas arces in regno oc-
cupabant. Ut autem res melius ac fe-
licius succederet, Ferdinandum induce-
bat, ut ejus filium spurium cum Caroli-
na itidem spuria Jacobi filia matrimonio
jungi permetteret: inito igitur connubiali
foedere ipse cum alio Regis Neapolita-
ni Oratore in Cyprum profectus est: eo
appulsus, Catharinæ Patrum, & alium
ejus-

*Stephan.
Lusignan.
hist. Cypr.*

ejusdem consobrinum sicaria manu trucidari jubet; Jacobi vero filiam sex annorum puellam Ferdinandi Filio despondet, eique Principis Galilæi titulum tribuit, pro more Cyprorum, qui cum eorum Principem Regni Hierosolymitani Regem fuisse crederent, Cypriæ coronæ hæredem nomine Galilæi Principis honorabant. Post hæc ambo hi conjurati occupatis urbibus, cunctisque munitissimis Insulæ arcibus, totum Regni imperium sibi arrogabant; Catharinam vero Reginam compellere nitebantur, ut ad Venetos perscriberet, quod sibi pleno cum filio suo disponendi libertas comperet; ejus vero Patruus nonnisi ob immodicam ambitionem suam, sordidamque avaritiam a militibus cæsus fuisset. Verum Regina nefario horum consilio non aquiescebat.

§. VII.

Cessio Cypri in favorem Sabaudicæ Ducis facta.

Carolina legitima Cypri Regina, cum omni spe recuperandi regni sese dejectam cerneret, coram summo Pontifice, atque Cardinalibus solemniter omne jus ad Regnum suum transtulit in Amadæum IX. Sabaudicæ Ducem Ludovici sui Mariti fratrem: ipsa vero reliquos